

## СССР-н залгълдана эв-аргъ делгрлгън

Орн-нутгт залгълдана аргъ делгрұлхд Советин йосна 40 джилин эргцд кесг шин юмс гарв. Балгъсд хоорнд залгълда бәрлгънә сунъгъг ода советск орн-нутгин энъг-зах уга элвг агъу ик газриг захәснъ зах кұртлнъ гатлдж гарв. Балгъсд хоорнд залгълда бәрлгънә сунъгъгиг ода цугтнъ залгълла 3,6 сай километр ут болв. Мана тōрскнә хотл балгъсн Москва зургъадгч тавн джилин эклцин кемлә республиксин, областъсин болн крайсин 64 центрмұдлә суткдан тасрхан уга телефонн залгълда бәрдж чаддг болв.

Революцәс урд болхла, холд бәәх селәдин әмтс зугл хая нег харгъмнъ болад ирхлә тегәд бичг авдг бәәсмн. Бичгұд болн газетс зугл ик балгъсдт тасрхан уга кұргұлгдхәс биш, волостной центрмұдт болхла, пошт долан хонгт хоърх-негх кұрдг бәәсмн. Одгә цагт болхла поштин отделенъсин тонь арвн холван шаху өсв, балгъсдин болн селәдин улст пошт зōбхд 211 минъгън

кұн церглджәнә. 1956 джилд кұрггдсн бичгин тонь дōрвн бум шаху тоод кұрв, 40 джил урд болхла энұнә тонь әрә гидж 660 сай ұлұшг бәәсмн. Джил белгън олн-әмтнд кұрггддж өггддг газетсин болн журналмудин тонь 358 сай бәәснәсн арвн бум дундур тоод кұрч өсв.

Советск йосна джилмұдт радио сонъсхлгън орн-нутгт йир икәр делгрв. Советск радио ода СССР-н келн-әмтсин 80 зұсн келәр, газадин орн-нутгудин 34 зұсн келәр келдж сонъсхна. Ода Советск Союз радиогъар келдг станцсин кұчәрн болхла, Европд негдгч орм, нарт делкәд болхла хоърдгч орм эзджәнә. Эн джилин эклцәр СССР-н газр деер 29,5 сай приемн радиоточкуд бәәсмн. Дәәнә хōбтк джилмұдт телевиденъ ик гидгәр делгрдж өсв. Ода орн-нутгар 21 телевизионн центр кōдлжәнә. Зургъадгч тавн джилин сұұләр теднә тонь гурвн холванас ұлұгъәр өсхмн.

(ТАСС).